

2. Elección e composición do Parlamento, réxime e goberno interior, organización e funcionamento

2.2. Composición do Parlamento e dos seus órganos

2.2.6. Composición da Mesa das comisións

COMISIÓN PERMANENTE NON LEXISLATIVA DE CONTROL DA CORPORACIÓN RTVG

Elección da secretaria da Comisión

A Comisión Permanente non Lexislativa de Control da Corporación Radio e Televisión de Galicia, na súa sesión do 29 de setembro de 2022, adoptou os seguintes acordos:

Elección de secretario/a da Comisión

- (11/CEEM-000036)

Comisión Permanente non Lexislativa de Control da Corporación RTVG

Elección de secretario/a da Comisión

Secretaria: María González Albert

Santiago de Compostela, 29 de setembro de 2022

María Montserrat Prado Cores

Vicepresidenta 2ª

2.3. Réxime e goberno interior

2.3.2. Acordos e resolucións dos órganos da Cámara en materia de réxime e goberno interior

Acordo da Mesa do Parlamento de Galicia, do 28 de setembro de 2022, polo que se habilita a presenza, o voto delegado o os demais sistemas previstos para a participación nas sesións parlamentarias

Tendo en conta a situación sanitaria derivada da pandemia covid-19, a Mesa do Parlamento de Galicia, en sesión do 28 de setembro de 2022 e co acordo favorable da Xunta de Portavoces desa mesma data, ao abeiro do disposto no artigo 84.7 do Regulamento do Parlamento (DOG núm. 204, do 8 de outubro de 2020), adopta o seguinte acordo:

1º. Habilitar por un mes, contado desde o día seguinte á publicación deste acordo no *Boletín Oficial do Parlamento de Galicia*, a presenza, o voto delegado e os demais sistemas previstos para a participación nas sesións parlamentarias por quen non puider asistir de forma xustificada por atoparse Galicia nunha situación de afectación grave da saúde da poboación que lle imposibilite a presenza física na sesión correspondente por comprometer a saúde das persoas.

2º. A petición, asinada por quen solicite a delegación, deberá dirixirse á Mesa do Parlamento de Galicia e presentarse telematicamente no Rexistro da Cámara. O delegante deberá indicar o sentido do seu voto ao delegado e este emitirá o voto no sentido indicado polo delegante.

Santiago de Compostela, 28 de setembro de 2022

Miguel Ángel Santalices Vieira

Presidente

